

تبریز، آلمانلی‌لارین چوخونا تانیتمیش شهردیر

تبریز آلمانلی‌لارین چوخونا تانیتمیش شهردیر / ایران دونیانیمن امن اؤلکه‌سیدیر

فارس خبرگوزاریسی: آلمانین تهراندا کی سیفارتی‌نین فرهنگی بؤلومون ریسی، تبریزی گۆزه گلیم فرهنگی و تاریخی اثرلر صاحبی بلیب و دئدی: چوخلو دلیل‌لره گۆره تبریز آلمانلی‌لار اوچون تانیتمیش شهردیر. فارس خبرگوزاریسی‌نین تبریزدن وئردیگی گوزاریشه گۆره، «اتو گراف» اوستانی میراث فرهنگی سازمانی‌نین ریسی‌اینن موشترک جلسده دئدی: ایران بوتون جاذیبه‌لری‌اینن گۆرمه‌لی منطقه‌لر باخیمیندان غنی بیر اؤلکه‌دیر کی اونو توریست حوزه‌سینده آلمان و آیری اؤلکه‌لر اوچون موهوم بیر مقصد تیدیل ائله‌ییب. او خاطیرلاتدی: آلمان تیلویزیونلاریندان ایرانین تاریخ و فرهنگ‌ی‌اینن تانیشلیق اوچون برنامه‌لر یاییلیر کی هر جور سیاسی مسأله‌دن اوزاقدیلار و جالیشیرلار بو اؤلکه‌نین گۆزل چۆهره‌سین آلمانلی‌لارا نیشان وئرسینلر. آلمانین فرهنگ‌ی موشاویری آرتیردی: بیز بیلروق کی ایران امن بیر اؤلکه‌دیر و بونا لاب یاخجی گواه ایران‌دان چیخان توریستلرین توصیفیدیر. «اتو گراف» تبریزین بازاری و گۆی مسجیددن گۆروش ائله‌ماغی، اونلارین اؤزونه مخصوص خصوصیتلرینه گۆره چوخ موهوم توصیف ائله‌دی و دئدی: سئوینماغا یئر وار کی اؤز ارزیشلی تاریخی یئرلری‌نین ساخلاماسینا جالیشیرسیز. او هابئله شرقی‌آذربایجانین مونیخ و هامبورگدا اولان ال ایشلری نوماپیشتگاهیندان ایستیقبال ائله‌دی و اونو ایکی طرفلی بیر فرهنگ‌ی ایرتباطین باشلانماسینا یاخجی باشلانیش سایدی. «اتو گراف» هابئله بونو دئماغینان کی ایکینجی دفعه‌دیر تبریزدن گۆروش ائدیر، دئدی: من ایرانا اؤل دفعه گلنده، بیرینجی تبریزه گلیم کی بو ایکینجی گۆروش منی چوخ سئویندیردی. فدرال آلمانین تهراندا کی سیفارتی‌نین فرهنگ‌ی موشاویری و سیفارتین فرهنگ‌ی بؤلومونون ریسی اؤز شرقی‌آذربایجانا اولان سفرینده تبریزین بازاری، گۆی مسجد و آذربایجان موزه‌سیندن گۆروش ائله‌دی.